

Mensahe 7

**Ang Tiunayng Kahulogan
sa Mga Materyal sa Templo**

Basahong Kasulatan: 1 Hari 5:15-18; 6:7,
9-10, 15-16, 23, 31-34, 36; 7:14-15, 21

- I. Aron mahimong mga materyal alang sa pagtukod sa Dios, sination gyod nato si Cristo diha sa Iyang kamatayon (gitiman-an sa cipres), si Cristo diha sa Iyang pagkabhaw (gitiman-an sa cedro), ug si Cristo nga Espiritu (gitiman-an sa kahoyng olivo):**
- A. Ang gilansang sa krus ug nabanhawng Cristo, nga mao ang malangkobon-sa-tanan nga Espiritu ni Jesucristo ug ang presensya sa nahikay nga Tulo-usang Dios, mao ang realidad sa mga materyal nga igtutukod sa iglesia nga templo sa Dios, nga pagdako ug paglapad ni Cristo—Fil. 1:19-21a; 1 Cor. 3:9, 12a, 16-17.
 - B. Patukoron gyod nato sa Iyang Kaugalingon ang gilansang sa krus ug nabanhawng Cristo nga Espiritu nganhi sa atong pagkatawo aron makapahimulos ta ni Cristo sa kinahingpitan gyod ug mahimong maayong mga piniyalan sa nagkadaiyang grasya sa Dios (sa datong sangkap sa kinabuhi) aron matukod ang iglesia nga templo sa Dios—Efe. 3:2, 16-17; 1 Ped. 4:10-11.
- II. Nagtimaan ni Cristo nga gilansang sa krus ang cipres—1 Hari 6:15b, 34; itandi sa Gen. 6:14:**
- A. Sa karaang mga panahon nagtanom ang mga Judio og mga kahoyng cipres ibabaw sa ilang mga lubnganan; busa, nagtimaan ang cipres sa pagka-tawo ni Cristo diha sa Iyang kamatayon, sa gilansang sa krus nga Jesus—1 Cor. 2:2.
 - B. Hinimo sa kahoyng cipres ang mga pultahan sa templo ug gikulitan kinig mga querubin ug mga kahoyng palmera—1 Hari 6:34-35; itandi sa Ezeq. 41:18-20:
 - 1. Nagtimaan ang mga querubin sa himaya sa Ginoo nga nadayag diha sa mga binuhat (10:18; Heb. 9:5), ug nagtimaan ang mga kahoyng palmera sa kadaogan ni Cristo ug sa molungtad-sa-dayon ug naa-kanunay nga gahom ni Cristo (Ezeq. 40:16; Bug. 7:9).
 - 2. Ang pagkukulit sa mga kahoyng palmera ug sa mga querubin sa mga pultahan sa kahoyng cipres nagtimaan nga “gikulit” na ang kadaogan ni Cristo ug ang himaya sa Ginoo nganha sa atong pagkatawo pinaagi sa mga pag-antos—Buh. 16:7; Fil. 3:10; 2 Cor. 4:10-12.
- III. Nagtimaan sa nabanhawng Cristo ang cedro—1 Hari 6:9-10, 15-16, 36:**
- A. Nagtubo ang mga kahoyng cedro sa mga bukid sa Lebanon; busa, nagtimaan ang cedro sa pagka-tawo ni Cristo diha sa pagkabhaw, ang nabanhawng Cristo—Sal. 104:16; A. A. 4:8.

Mensahe 7 (sumpay)

- B. Ang nabanhaw ug nikayab nga Cristo nga Hari mao ang harianon ug halangdong cedro gikan sa balay ni David—Ezeq. 17:22-23; Rom. 1:3-4; Buh. 2:22-24, 32-36; Heb. 2:9.
- C. Kita unta kadtong mopatidlom sa atong mga gamot ngadto ni Cristo, sama sa mga kahoyng cedro sa Lebanon, nga magpatubo nato sa kinabuhi kay gitanom man ta diha sa balay ni Jehova, nilambo diha sa mga sawang sa atong Dios, nga mamunga pa gihapon bisan tigulang na, ug mapuno sa duga ug magmalunhaw—Os. 14:5-9; Sal. 92:12-14; 2 Hari 19:30.
- D. Ang iglesia maoy pundohanan ug tipiganan sa gahom sa pagkabanhaw ni Cristo; sa nagbuhat kining gahoma diha ni Cristo, naghimo kini Niya nga Ulo; sa mobuhat kining gahoma sa sulod nato, maghimo kini nato nga Lawas Niya—Efe. 1:19-23; Rom. 8:2, 11; 12:1-2; Fil. 3:10.

IV. Nagtimaan sa natranspormang Cristo nga Espiritung taghatag-og-kinabuhi ang kahoyng olivo—1 Hari 6:23, 31-33; 1 Cor. 15:45b:

- A. Naghulagway ang lanang oliva sa Espiritu sa Dios; busa, nagtimaan ang kahoyng olivo sa pagka-tawo ni Cristo diha sa Espiritu sa Dios, ang dinihogang Cristo, nga mao sab ang sinagol nga Espiritu ingon nga igdihog—Heb. 1:9; 2 Cor. 1:21; 1 Juan 2:20, 27; Exo. 30:25, 30.
- B. Mga sanga ta ni Cristo nga gisumpay Kaniya nga inalimahang kahoyng olivo aron makapahimulos Niya (Rom. 11:17, 24); ang Espiritung taghatag-og-kinabuhi mao ang duga-sa-kinabuhi ni Cristo nga langitnong kahoyng olivo; kon nagtinguha tang makaambit sa kadato ni Cristo nga katambok, duga, sa langitnong kahoyng olivo, mokontak gyod ta sa Espiritung taghatag-og-kinabuhi isip duga-sa-kinabuhi ni Cristo (Luc. 23:31; itandi sa Sal. 92:13-14; 36:8-9):
 - 1. Kay diha man sa atong espiritu nahitabo ang pagkasumpay nato ni Cristo, mapadayonon gyod natong gamiton ang atong espiritu; motawag ngani ta sa Ginoo sa pag-ingon og, “O Ginoo, O Ginoo,” gigamit nato ang atong espiritu ug dihadiha makaambit ta sa Ginoo nga Espiritung taghatag-og-kinabuhi—Rom. 8:16; 1 Cor. 6:17; Rom. 10:9-13.
 - 2. Ang usa pa ka paagi nga makapahimulos ta sa kadato ni Cristo mao ang pagbasa sa Pulong sa Dios ug pag-Amen nato sa matag pulong; pinaagi niini, magamit nato ang atong espiritu, makontak nato ang Ginoo, makapahimulos ta Niya, ug makaambit ta sa malangkobon-sa-tanan nga Espiritu isip katambok—Sal. 106:48; Neh. 8:6; 2 Cor. 1:20; Bug. 19:4; Efe. 6:17-18.
- C. Makita gyod unta nato nga nasumpay na ta ngadto ni Cristo nga “lahig kinaiya”; nagpasabot ang *lahig kinaiya* og “supak sa kaugalingon”—Rom. 11:24:
 - 1. Supak sa kinaiya sa Ginoo ang tanang iya sa daang kinaiya nato;

Mensahe 7 (sumpay)

masal-anon ang atong kinaiya, ug diosnon, espirituhanon, ug balaan ang kinaiya sa Ginoo—Gal. 5:16-17; 2 Ped. 1:4.

2. Aron makaambit ni Cristo nga kahoyng olivo lakip na sa Iyang kadato, hingpit gyod tang putlon gikan sa daang kagikan, daang kasaysayan, daang kinabuhi, daang mga batasan, ug daang mga gawi nato nga ihalas nga mga sanga—Rom. 11:24; itandi sa Efe. 4:22-24.
 3. Aron masinati nato ang pagputol gikan sa daang pagkinabuhi nato ug makapahimulos sa kasinatian nga masumpay ngadto ni Cristo, gamiton gyod nato ang atong espiritu sa pagtawag sa Iyang ngalan ug pag-ampo-basa sa Iyang Pulong—Rom. 10:6-8; Efe. 6:17-18.
- D. Gipadayag sa Roma 11 nga mga sanga ta ni Cristo nga kahoyng olivo (vv. 17, 24) aron mamunga og “mga oliva” ug magpalugwag makahupay nga lana, nga nagtimaan sa Espiritu Santo; gipadayag sa Juan 15 nga mga sanga ta ni Cristo nga punoan sa paras (v. 5) aron mamunga og “mga paras” nga magpalugwag makapalagsik nga bino, nga nagtimaan sa diosnong kinabuhi; ug sa Lucas 10 gibuboan sa maayong Samaritanhon og lana ug bino ang mga samad sa tawong himalatyon (vv. 33-34):
1. Makaayo sa mga tawo ang lana ug bino; labi tang magpabilin sa Ginoo sa pagtawag nato sa Iyang ngalan ug pag-ampo-basa sa Iyang pulong, labi sab tang mamunga og “mga oliva” ug “mga paras” aron magpalugwag lana ug bino nga ibubo nganha sa mga tawong nasamdan sa sulod ug naguol ug nahigawad.
 2. Gigamit ang lana sa kahoyng olivo sa pagpasidungog sa Dios ug sa tawo (Huk. 9:8-9), nagtimaan nga nagpasidungog sa Dios ang mga naggawi pinaagi sa Espiritu (Gal. 5:16, 25), ug nagpasidungog sa tawo ang mga nangalagad sa Espiritu (2 Cor. 3:6, 8; Fil. 3:3).
 3. Gigamit ang bino sa punoan sa paras sa paglipay sa Dios ug sa tawo (Huk. 9:12-13), nagtimaan nga naglipay sa Dios ang mga nagpahimulos ni Cristo nga ilang kinabuhi nga nisakripisyo ug nagpalagsik (Mat. 9:17) ug naglipay sa tawo ang mga nangalagad og Cristo nga ilang kinabuhi nga nisakripisyo ug nagpalagsik (2 Cor. 3:6; Fil. 2:17; 2 Tim. 4:6).

V. Tinukod ang mga haligi sa templo sa tumbaga, nga nagtimaan sa paghukom sa Dios—1 Hari 7:14-15, 21; Bug. 3:12; 21:22:

- A. Sa Kasulatan timaan, panghimatuod, ang haligi sa pagtukod sa Dios pinaagi sa pagtransporma sa pagbatasan sa kinabuhi sa Lawas—Gen. 28:22a; 1 Hari 7:15-22; Gal. 2:9; 1 Tim. 3:15; Bug. 3:12; Rom. 12:2; Efe. 4:11-12.
- B. Kanunayng gihukman sa Dios (tumbaga) ang mga tawong mapuslanon sa Dios, nakaamgo nga mga tawo sila nga naa sa unod, nga angay rang mamatay ug ilubong—Sal. 51:5; Exo. 4:1-9; Rom. 7:18; Mat. 3:16-17:

Mensahe 7 (sumpay)

1. Ang hinungdan sa pagkabahinbahin ug pagkawalay-bunga diha sa mga magtutuo kana mang walay tumbaga, walay paghukom sa Dios; naa hinuoy garbo, pagpasigarbo-sa-kaugalingon, paglaban-sa-kaugalingon, pagmatarong-sa-kaugalingon, pag-uyon-sa-kaugalingon, pagpalingkawas-sa-kaugalingon, pagkamatarong-sa-kaugalingon, ug paghukom ug paglagda sa uban imbis pagpangatiman ug pagpangita kanila—16:24; Luc. 9:54-55.
 2. Mahigugma ngani ta sa Ginoo ug mosinati Niya nga tawo sa tumbaga (Ezeq. 40:3), mahimo Siyang talagsaong gugma, walay kinutobang pagkamapailobon, dili matupngang pagkamatinumanon, bug-os nga pagpaubos, kinahingpitang pagkaputli, kinalabwang pagkabalaan ug pagkamatarong, ug kasanag ug kaligdong nato (Fil. 4:5-8).
- C. Sa mga uloulo sa mga haligi sa templo dunay “mga linala sa binuhat nga kinurok-kurok [sama sa palapa] ug mga lukong sa buhat nga tinalikala”; nagtimaan kini sa kuti ug nagkasagol nga sitwasyon nga diha niini nagkinabuhi ug nangako ang mga haligi diha sa pagtukod sa Dios (1 Hari 7:17; 2 Cor. 1:12; 4:7-8); sa tumoy sa mga uloulo naay mga lirio ug mga granada (1 Hari 7:18-20):
1. Nagtimaan ang mga lirio sa kinabuhi sa pagtuo diha sa Dios, sa kinabuhing nagkinabuhi kon unsa ang Dios kanato, dili kon unsa ta; nagpasabot ang tumbaga og “dili ako,” ug nagpasabot ang lirio og “kondili si Cristo”—A. A. 2:1-2; Mat. 6:28, 30; 2 Cor. 5:4; Gal. 2:20.
 2. Ang mga granada sa mga lukong nagtimaan sa kahupong, sa kadagaya ug katahom, ug sa pagpadayag sa kadato ni Cristo nga kinabuhi—Fil. 1:19-21a; Efe. 1:22-23; 3:19.
 3. Pinaagi sa pagwala sa binuhat nga kinurok-kurok ug sa paglimiti sa buhat nga tinalikala, makakinabuhi ta sa putli, yanong kinabuhi nga nagsalig sa Dios aron magpadayag sa kadato sa diosnong kinabuhi ni Cristo alang sa pagtukod sa Dios diha sa kinabuhi.
- VI. Nagtimaan ang mga bato sa templo sa pagka-tawo ni Cristo nga gitransporma, ang natranspormang Cristo—1 Hari 5:15-18; 6:7, 36; 1 Cron. 29:2; 2 Cron. 3:6:**
- A. Ingon nga Dios, sa pagpakatawo ni Cristo gisul-ob Niya ang unod sa tawo; kay nahimo mang tawo diha sa unod, tawo diha sa daang kabuhatan, kinahanglan matransporma Siya diha sa tawhanong bahin Niya—Rom. 1:3-4.
 - B. Kanang natranspormang Cristo mao karon ang buhing bato, ang batong patukoranan, ang bato sa pamag-ang, ug ang ulohang bato sa pagtukod sa Dios—1 Ped. 2:4; Isa. 28:16; 1 Cor. 3:11; Efe. 2:20; 1 Ped. 2:6; Zac. 4:7; 3:9; Bug. 5:6; 4:3; 21:11.

Mensahe 7 (sumpay)

- C. Ang mga bato sa templo nagtimaan sab sa mga magtutuo diha ni Cristo, nga gitransporma Niya nga bato—Mat. 16:18; Juan 1:42; 1 Ped. 2:4-7; Bug. 21:11, 14, 18-21; itandi sa Dan. 2:34-35, 44-45.
 - D. Gihisgotan sa Bag-ong Tugon ang buhing mga bato (1 Ped. 2:5), ug gihisgotan sa Daang Tugon ang gitiltil nga mga bato (1 Hari 5:15, 17-18; 6:7); ang mga batong gigamit sa pagtukod sa iglesia buhi gyod sa sulod ug gitiltil (gibatokan) sa gawas (2 Cor. 4:16):
 - 1. Diha sa iglesia ikatandi ang ubang igsoon sa “ihalas” nga mga bato, nga bag-o pang gitiltil gikan sa gikubkoban niini ug daghan kaayog hait nga mga ngilit; kontakon ngani sila, makapasakit ug makasamok sila sa mga tawo.
 - 2. Dili pa kaayo sila lig-on nga katukoran, motambayayong ug moalagad nga dunay kauban, makig-away sa gubat nga dunay kauban, o mopas-an ba sa Arka nga dunay kauban.
- VII. Ang tinuod nga Cristohanong kinabuhi alang sa pagtukod sa iglesia nga templo sa Dios kinabuhi man ni Cristo nga gilansang sa krus ug nabanhaw nga Espiritung taghatag-og-kinabuhi nga gitukod nganhi sa atong pagkatawo aron mapahiuyon ta sa Iyang kamatayon pinaagi sa gahom sa Iyang pagkabanhaw aron mabag-o adlaw-adlaw ug matransporma gikan sa himaya ngadto sa himaya aron mahimaya Siya diha sa iglesia—Fil. 3:10; 2 Cor. 3:18; 4:16-18; Efe. 3:21.**